

inseperabile commune nomen ferunt. Quare Dalmatæ, Carnioli, Croatæ, Bosnienses, Slavones, Servii, Bulgari, Rasciani, Slavi, Moravi, Bohemi, Poloni, Russi glorioso priscorum patrum nomine ILLYRII dicuntur.

Hoc esse Illyrici exitiale fatum videtur, quod unusquisque ex recensitis populis se a reliquis et a genere primigenio prorsus sejunctum, et omnem dialectum esse linguam falso putet. Ad hos aliosve errores e mentibus eripiendos nihil equidem consultius gloriosius utiliusque fore arbitror, quam ut scriptorum aliquis tanquam Muratorius vel Tiraboschius surgeret, aut vero plures Docti illyrii consilio inito ex collatis in unum notitiis universi Illyrici historiam ab origine ad hæc usque tempora ordine chronologico et geographico ope severæ critices contexendam susciperent. Fontes, unde omnis eruditio ad tale opus conficiendum haurienda sit, extant Inscriptiones, Nummi, Marmora, Fragmenta, Lingua, Traditio ac præsertim veteres scriptores Græci et Latini, qui hic præcipue exhibentur, scilicet Polybius, Scylax, Herodotus, Eutropius, Thucidides, Titus Livius, Scymnus, Ptolomæus, Diodorus Siculus, Strabo, Pomponius Mela, Dionysius Halicarnassensis, Plutarchus, Apollonius, Plinius, Dion, Appianus, Vegetius, Justinus, Pomponius Trogus, Rufus, Jornandes aliique. Præter hos sunt quoque consulendi
illi